

929.

1447 März 12

Der alte Troltzsch verzichtet auf das Erbe seines Sohnes.

fol. 171v Wiszit daz vor uns komen ist der alde Trolczsch vor dem obirthor gesesessin und hat vor^{a)} sich, (^{b)}seyne erbin und erbnehmen^{b)} keyn Nicolauo Sturm und Margarethan, synir elichin wirtin, vorzihin allir gelasziner habe an husze, hoffe, wiszin, gerten, agkirm, farindir und unfarindir habe, nichtis nicht uszgesloschen, daz Lorencz Trolcz seligir, seyn son, nach synem tode hindir oin gelaszin hat. Gereth und gelobit dem geschr(iebenen) Nicolao Sturm, synir elichin wirtin obgenant, irin erbin und erbnehmen in dy gut nicht czu redin noch vordir dorumbe czu beteidigen an argk und ane geverde. Actum dominica oculi anno etc. XLVII.

a) über die Zeile geschrieben b-b) am linken Rand, Einfügestelle gekennzeichnet

930.

1447 August 31

Bürgermeister Summer und Nickel Cruse übernehmen eine Bürgschaft.

fol. 172r Actum sabbato post Bartholomei hat der burger(meiste)r Summer und Nickel Crusze Caspar Lindener gereth und globit vor eyne were vor Hanszen Leszniczers seligen witwe vor 350 guldin reynisch, davor sy òm ir husz gegebin und vorkaufft hat. Ab er von ymandis dorumbe angelangit wurde, daz sy òn des schadinlos halden und benemen wollen.

931.

(1447) November 25

Zeugnis über die Teilung eines Gutes in Hartmannsdorf.

fol. 172r Actum in die Katharine sint komen vor^{a)} eyn rath, voit und schoscher uff dem slosche Nickel Behem von Kirchperg. Petir Tot von Hartmansdorff und Hans Klocz czur Wilkaw und haben eyntrechtiklich uff ir ere und eyde bekanth und geczeugit, daz òn wissintlich sey, daz von den gutirn, dy Paul Poppil czu Hartmansdorff besiczit, Hanszen^{b)} Ebirharten iczunt czum Gyher, seyn vatir, von dem obgenanten gute Paul Poppils czu Hartmansdorff abgesundirt und geteilt ist. Der gereth und globit hat vor sich, syne erben und erbnehmen in dy gut nicht czu reden, noch nymanden dorumbe czu beteidigen.

a) über die Zeile geschrieben, ersetzt durchgestrichen eyn b) über die Zeile geschrieben, ersetzt durchgestrichen Kunszen [?]